


Early European Books, Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
Pflr 223





Early European Books, Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
Pft 223





Early European Books, Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
Pft 223




Early European Books, Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
Pft 223


*IIA 298*





*22*













# EPISTOLAE

NONNVLLÆ PARTIVM, DE PACIFICATIONE, cuius instituendæ Anno 1574. in Belgica magna facta spes erat.

*Item,*

HOLLANDIÆ ZELANDIÆq; Ordinum, sociorumq; libellus supplex ad Regiam Maiestatem, vnà cum eiusdē impugnatione & defensione.

¶ Gallicis Belgicogermanicisq; Latina facta.



~~Psalmo 28.~~

~~Qui loquuntur pacem cum proximo suo, mala autem in cordibus suis. Da illis secundum opera eorum, & secundum nequitiam adinventionum suarum.~~

~~Dordraci. Anno. M. D. LXXV.~~





## INTERPRES LECTORI.

**N**OSTRI homines, praesertim qui in republica versantur, non tam concinnè scribere, quàm quæ volunt, utcunque consarcire curant, Quæ res supra alia vertendi tædia, interpretem etiam terret: quòd ut interpres concinnam orationem reddere nequeat. Non tamen hæc, quò minùs hoc scriptum Latinum facerem, me avertère: quòd quæ continet, quoquoversum quàm longissimè innotescere intersit: & mens cuiusque maxime ex ipsiusmet oratione appareat. Habes igitur Hispanorum, atque asseclarum patriæ proditorum, rationes iniquissimas: in quibus etiam in hac pacificatione perseverant: neque nisi diuinitus percellantur, dimovebuntur unquã. Habes ediuerso Hollandorum sociorumque euidentè perpetuamque causse defensionem. Quæ dum res ad plenam historiam maturescunt, æqui benique consules. Vale.


P R Æ.



*[Faint, illegible text, likely bleed-through from the reverse side of the page.]*



## P R Æ F A T I O A D L E C - T O R E M .



N D E ab initio in hoc præcipue la-  
borarunt aduersarij, vt conquisitis vn-  
dique calumniis causam nostram a-  
pud quoscunque facerent detestabi-  
lem . Alias nos accusarunt, tanquam  
de vera rectaque erga Deum religione descuiile-  
mus: alias verò , tanquam contempta auctoritate  
maiestateque Regis Hispaniarum , Principis siue  
Domini nostri, contra eundem in armis essemus.  
Quibus sanè calumniis præter cætera hoc quæsie-  
runt, vt præstringerent eorum oculos, qui plenam  
huius rei cognitionem non habent, iisdemque in-  
satiabiles suas cupiditates tegerent. Iam verò cum  
rei veritas indies magis magisque illucescat , non  
dubitamus, quin iisdem artibus eam premere sat-  
agent. Et quidem ex quotidianis ipsorum sermo-  
nibus hæc quoquouersum sparsuros esse colligere  
facile est , nos nullas equas pacis condiciones ad-  
mittere aut tolerare velle , nihilque nos querere  
aliud, quàm vt hoc bellum intestinum foueamus,  
sustineamus, ac prolongemus : etiam cū certa ha-  
rum regionum pernicie atque interitu: vt quibus  
Regiam Maiestatem ledere , bonumq; publicum  
conturbare atque interuvertere volūpe sit. Quam-  
obrem nequis deinceps falsis illorum suggestio-  
nibus adducatur , vt insontes damnet, & imma-  
nium publicæ tranquillitatis hostiū actiones pro-  
bet non potuimus, quin post tot libellos supplices  
A 2 & præ-



## P R Æ F A T I O.

4  
 & precatórias commonitiones subinde ad Regiâ  
 Maieſtatem fruſtra emiſſas, etiam poſtremû no-  
 ſtrum ad Regem libellum publicaremus, vnâ cum  
 omnibus iis, quæ ſedandi huius belli cauſſa vtrin-  
 que præducta in medium ſunt: quæ quidem ſub-  
 ſequentibus epistoſis diſertè continentur, vtpote  
 huius rei cauſſa hinc inde ſcriptis. Quibus de no-  
 ſtro nihil adiungere viſum eſt, vt quiſque ſine cun-  
 ctatione, de rei veritate iudicare poſſit. Præſertim  
 cû hinc luculenter conſtiturû confidamus, qui-  
 nam auctores huius belli fuerint, & per quos ſtet,  
 quos minùs pax & concordia iniri queat. Insuper  
 intelligere indidem quiſq; poterit, nos agnouiffe  
 ſemper, et obſeruaſſe Regem Hispaniarum, vt no-  
 ſtrum Principem & Dominum, tanquam à Deo  
 nobis datum, vt ex præſcripto contractuum, anti-  
 quarum legum, conſuetudinum, immunitatum,  
 & priuilegiorum ſolenni iuieiurando ab ipſo con-  
 firmatorum, ſecundum ius & æquum nos regat.  
 Cuius rei ſignum etiam erit, quòd in hiſce noſtris  
 calamitatibus ad ipſum, tanquam ad aſylum, ſup-  
 plices identidem confugimus. Quàm verò nos in  
 pacificationis negotio tractabiles et faciles præbue-  
 rimus, argumento erit, quòd cû nonnulli, qui ſe  
 optare pacem & tranquillitatem publicam finge-  
 rent, hac præcipuè à nobis poſtularèt, Vt Regiam  
 Maieſtatem venerenter haberemus, nullamque de  
 religione mentionem faceremus: quanquam cui-  
 dentes rationes eſſent, quare aduerſariorum no-  
 ſtrorum odium pluſquam Vatinianum eo modo  
 non imminutum, ſed potius auctum & exacerba-  
 tum



## A D L E C T O R E M.

tum iri existimaremns: ita tamen nos gesserimus, nihil vt ne ab aduersariis quidem, quantum ad illa, requiri potuerit: vt etiam sequentia satis testabuntur. Certè alacri animo causam nostram Regiæ Maiestatis Ordinumque vniuersæ Belgicæ iudicio subiecimus: tametsi pleriq; eorum hæcenus hostiliter nobiscum egerint. Confidebamus namque eos, vt quibus conditio harum regionum notior sit, quàm exteris, quiq; addictiores communi patriæ, eiusdemque Principi sint (quorum respectu etiam iure optimo, & secundum veteres leges cognitio istiusmodi causarum ad eos pertinebat) eius & facultatis & voluntatis fore, vt consuleret Regi: quod maximè faceret ad eius dignitatem, & ad harum regionum concordiam, & veterem fœlicitatem. Contrà verò ita se iniquos exhibuerunt aduersarij, vt ne aspicere quidem libellum nostrum dignati sint. Quinimo supremum sibi sumentes imperiũ, ipsi etiam Regi cognoscendi potestatem ademerunt, ac pro arbitrio (tanquàm impedire pacem iustitiæq; administrationem vellet) causam nostram diiudicationi subtraxerunt. Idque si Diis placet, præcipuè propterea (quomodo quidem ipsi confitentur) quòd comitia vniuersorum Ordinum requisierimus, quæ tamen maiorum temporibus in arduis negotiis semper habitæ sunt. Porro etiam, vt maleuolum suum animum manifestiorem facerent, maiorem deinceps nostris viuis concremandis & vstulandis crudelitatem exercuerunt, quam vnquam antea. In quo etiam reliquum Ordinum minis atque vi cogere conati sunt,

A ;



sunt, vt libidinibus suis subseruieret. Ex quo luce  
 clarius fit, satis ipsis non esse, quod cum inestima-  
 bili detrimento Regis, & irrecuperabili pernicie  
 harum eius patrimonialium ditiorum, hoc graue  
 & cruentum bellum suscitaret: nisi insuper tyran-  
 nici sui voti compotes, omnes hasce regiones in  
 perpetuum sibi seruitutem mancipient. Quando  
 autem pacem nobiscum inire velle, prae se ferunt,  
 vnu hoc agunt, vt nos fallant, ac reliquas prouin-  
 cias & ciuitates magna spe distineant, quo minus  
 aduersus ipsorum tyrannidem se nobis iungant: spe-  
 rantes interim iis artibus conatus suos perfici pos-  
 se, quae ipsis in Franciae regno tam foeliciter cesse-  
 runt. Verum nos in immensa Dei misericordia,  
 qua hactenus tam miraculose aduersus illorum in-  
 fidias & insultus conseruati sumus, hanc fiduciam  
 habemus, quod non modo illorum machinationes  
 in fumum abibunt: verum etiam, quod vniuersus  
 populus Christianus, & omnes Reges & Princi-  
 pes, precipue vero Caesarea Maiestas, & Imperij  
 Proceres in hoc videntes non fucata nostram &  
 fidelem demissionem, & magnam aequitate cum  
 pacis & concordie ardenti desiderio coniunctam,  
 eamque cum intolerabili fastu & beluina tyrannide  
 aduersariorum conferentes, causae nostrae iam  
 tandem patrocinium suscipient. Et si fortasse in po-  
 sterum improbitate aduersariorum alias rationes  
 securitatis & salutis nostrae quaerere cogamur, quam  
 hactenus secuti sumus, culpam non in nos, sed in  
 aduersarios, vt qui eod nos compulerint, coniciet:  
 de quo profecto etiam terrarum orbem hoc scripto  
 conte-



## A D L E C T O R E M.

contestamur vniuersum : ac confugimus quidem ad iustitiam, aquitatem, & prudentiam inuictissimæ Cæsareæ Maiestatis, omniumq; Imperij Procerum, & totius Christiani orbis Principum, obnixè orantes, vt neglectis calumniis aduersariorū, causam nostram diligenter expendere, & prout officij sui esse intelligent, eam sustinere atque tue-ri dignentur. Commonefacimus insuper etiam omnes Belgicæ Ordines, vt propositis sibi aduersariorum consiliis & actionibus, tanquam speculo, animaduertant, quo loco apud eos sint, quidq; ab iisdem expectare debeant, si fortè quod conantur, ipsis succedat. Ac proinde etiā caueant, ne pusillanimitate alioue quoquo modo, dū illi miris technis hoc agunt, vt paci bonoq; publico dediti esse videantur, se circumueniri ac falli sinant. Quin & ob tam manifestum ipsorum in comitia Ordinū odium cogitent, quomodo isti proteruitia resistāt, memoresq; iurisiurandi, quo quicquid in ipsis est, patriæ obstrinxerunt, gnauius se parent, vt optimas probatissimasq; patrię leges, contractus & immunitates, si opus sit, etiā armis propugnent. Quod si fecerint, nihil extra officium fecerint: & sibi in omnem posteritatem nomen & gloriam comparabunt sempiternam.

Vt autem sequentes epistolæ, totumq; hoc scriptū rectè intelligatur, sciendum est, Philippum Marniciū Santaldegondæ Dominum, dū Traiecti ad Rhenum captiuus teneretur, permissu & iussu Norcarnij aliquoties scripsisse Aurantię Principi de colloquio inter partes instituendo, si fortè

A 4

præsenti



præsenti bello finis imponi possit. Quæ res etiam post Norcarnij mortem huc deducta fuit, ut iam designati fuerint, qui utrinque ad colloquium mitterentur. Verum cum interea in extremis Cluizæ finibus Ludouicus Nassouius cæsus esset, cœptus pacificationis modus Ludouico Requeseno Gubernatori displicuit, utpote quo Regis auctoritas minui videretur: cum conuenire potius existimaret, ut Hollandicæ Zelandicæque ciuitates Regem per libellum supplices appellarent, quò quæ pax obtineri posset, Regis clementiæ, non item alicui pacificationis iuri accepta ferretur. Atque hac quidem de causâ pacificationis negotium ad tempus interquieuit, donec Fridericus Perrenotus Scampangiæ Dominus, postquam vnas literas dedisset ad Carolum Bosotum Gubernatorem Middelburgensem (quarum tenor cum responsione fratris eius Ludouici Bosoti sub signis A. B. sequitur) eum quæ peregre esse intellexisset (Principis enim iussu tñ in Anglia erat) Traiectum ad Rhenum profectus est: siue ut sororis marito, Comiti Roschio, in exequenda Regis Condonatione, siue Gratia recens publicata, auxilio esset: quod quidem ipse asseruit, siue alia sua de causâ. Quo loco cum esset, sermonem de purificatione cum Santaldegondæ Domino tum adhuc captiuo habuit. Quem postquam ad eam rem procliuem animaduertit: simul etiam quia idem instaret, ne ob prædictam difficultatem opus reipublicæ tam salutare intermitteretur: tum verò etiam, quia affirmaret, Principem Ordinesque Hollandiæ & Zelandiæ potius



## A D L E C T O R E M.

potius de suo cessuros, quam iure summo cū Rege acturos: eius opera in eo vtendum putauit, cumq; Roterodamum ad Principem milit: vt de mutandis captiuis ageret, simul autem experiretur, quid in causa illa effici posset, mandans præcipue hæc duo: Vt Regis auctoritas salua maneat, & ne religionis mentio fiat. Porro aliquantò antè permissu Scampangia Domini Roterodamū venerant Iohannes Matenessus Riura Dominus, & Iohannes Tielongius nuper curia Hollandica Aduocatus, rerum quidem iurarum causa, quomodo præ se ferebant: sed simul in mandatis habebant, vt Principem Ordinesque Hollandie instigarent, vt aliquas pacis condiciones proponere vellent. Qui ab illis responsum in scriptis abstulerunt, quod hisce insertum sub signo C. locum habet. Quod quoniā Scampangia Domino non probaretur, perscripsit ea de re ad Santaldegonda Dominum, qui adhuc Roterodami erat, plenius opinionem & consiliū suum: quæ eius libere sub D. sequuntur. Ex quibus literis Santaldegonda, Dominus cum Ordinibus amplius egit, effecitque, vt declaratio in libellum supplicem transformaretur, Ordinum nomine, quamuis ipsis iure optimo competente, religionisq; mentione, penitus omisis. In quo tantummodo cum omni reuerentia petebatur, vt Rex postquam exteros tam perniciosos decedere hisce prouinciis iussisset, adhibitis in consilium Ordinibus vniuersis instaurare omnia, et constituere rem publicam vellet: quicquid ita decretum & constitutū esset, se obtemperaturos recipiebant. Libel-

A 5

lus au-



10 P R Æ F A T. A D L E C T.

ius autem ille sub signo E. habetur. Quem quidem libellum, Santaldegondæ Dominus Scampangiæ Domino Monforti dedit, inde porrò Traiectum, captiuitatis suæ locū, reuertens. Verū is aliquanto tempore interiecto, postquam Bruxellæ in aula fuisset, illum ad Iohannem Iunium Gubernatorem Verensem, iunctum suis ad eundem literis, quas sub signo F. inuenire erit, remisit. Fuerat hic Iunius cū Domino Carnesio loco Santaldegondæ Domini Monforti obses, vbi Scampangiæ Dominus eo de pacificatione aliquoties egerat. Respondit autem illi Iunius & literis & commentariolo, quæ sub G. H. hunc libellum claudunt. Porrò penes lectorem sit iudicium: Deusque Optimus Maximus hoc nobis concedat, vt quicquid hoc est, totum in eius gloriam, veraque ecclesiæ redundet instaurationem.

E P I.



**EPISTOLA FRIDERICI  
PERRENOTI SCHAM-**

pangiz Domini ad Carolum Bo-  
sotum Gubernatorem Mid-  
delburgensem.

A.



**D**OMINE Bosote, quę inter paren-  
tes nostros, Dominum Granuellanū  
& Dominum Thesaurarium ( qui-  
bus Deus propitius sit ) amicitia fuit:  
quęq; deinceps cum fratre meo Car-  
dinale constitit: & quę mihi tecum priuatim fuit:  
denique quę etiamnum cum sororibus tuis domi-  
nis meis, usque, qui te contingunt, arte à me colit-  
ur: grauem mihi tuam absentiam, & participem  
me tuorum laborum facit. Quamobrem cum iam  
Regia Maiestas declaret, se tantopore desiderare,  
vt hæ regiones pacentur, & qui hætenus se sub-  
duxerunt, ad gratiam suam redeant ( id quod lon-  
go iam tempore optaui, quantumque in me fuit,  
data oportunitate, vt fieret, curauit ) ex itinere Tra-  
iectū versus, quò ex mandato Gubernatoris pro-  
ficiscor, vt sororis meæ maritum Comitem Ro-  
schium in exequenda Regis benigna volūate ad-  
iuuem, hæc pro illa veteri amicitia ad te scribere  
visum est. Opto autem ex animo, vt rebus tuis re-  
ctè consultum sit, mihiq; hanc operam commo-  
des, vt miseras hæce regiones tātis calamitatibus,  
quæ vndique eas opprimunt, mutuis consiliis li-  
beremus. In quo sanè tibi promitto officium viri  
boni



boni syncereriq; amici, & siquid præstiteris in re-  
ducendis hisce hominibus ad obedientiam Regis,  
me effecturum recipio, vt non modò tua recupe-  
res, verumetiam præclarum præmium consequa-  
ris. Quod tibi ita affirmare possum, vt neque tu,  
neque ciuitates, quæ à Rege defecerunt, hanc oc-  
casionem negligere debeas. Et si fortè aliquando  
in colloquium deueniemus, spero nos rationes in-  
uenturos, quæ non solum ciuitatibus & tibi, sed  
aliis etiam supra quàm existimare possis, vtilis fu-  
tura sunt: cum maiorem auctoritatem apud Gu-  
bernatores nactus sim, quàm scribere possim: &  
singularem clementiam in eodè deprehenderim,  
quoties cum eo egi de auertendis hisce calamita-  
tibus. In quo quæso studia tua iungas meis, me-  
cumque paria facias: quod (vti spero) Dei beni-  
gnitate magnum reipublice allaturum est momẽ-  
tum. Eundem domine Bosote precor efficiat, æ-  
quo vt animo præsentem fortunam feras, vtque  
nobis omnibus hasce calamitates finiat: ac me etiã  
atque etiam tuæ beneuolentiæ commendo. Can-  
tectoigæ 14. Iunij, Anno 1574.

EPI



# EPISTOLA LUDOVICI

Bosoti ad Fridericum Perrenotum  
Scampangiae Dominum.

B

**D**OMINE Perrenote, Venere mihi ad manum literarum tuarum decimoquarto huius mensis ad fratrem meum scriptarum: quas, quia peregre est, resignavi. Maiorem autem in modum gauisus sum, cum ex iisdem intellexi, magno nunc desiderio teneri Maiestatem Regiam, ut hae suae provinciae pacentur: & ut subditi ad suam redeant gratiam: id quod te etiam longo iam tempore optasse, ais, & simul pro viribus procurasse. Et quod porro te optare scribis, ut rebus fratris mei recte consultum sit: & ut eius, tuisque consiliis mutuis miserrime hae provinciae, quae undique eas opprimant, calamitatibus liberentur: eò illi abs te promittens viri boni synceri quae amici officium, & non solum suarum rerum restitutionem, verum etiam praecalam remunerationem: quas condiciones neque illum, neque quae ab obedientia Regis defecerunt ciuitates, debere repudiare, ais: hisque de rebus cupere cum eo coram agere, affirmans tibi magnam apud novum hunc Gubernatorem auctoritatem esse, teque in eodem non exiguam clementiam deprehendere: ad haec omnia frater, si praesens esset, de consensu Principis copiose respondere possit. Iam vero ego brevis ero, nec dicam aliud, quam rem esse Christiano Principe dignam, pro quo se gerit Rex, desiderare pacem & tranquillitatem subditorum suorum: neque esse alium, qui id equè optat, atque  
Dominus



14      E P I T. L V D O V. B O S.

Dominus meus Auratię Princps: de quo tibi etiā sororis tuę maritus Comes Roschius testis esse poterit, vt qui plenē norit, quę super ea re & gesta & scripta sunt. Hoc insuper de me addam, meo iudicio nō superesse componendorum horum mortuū rationes, nisi exteri hisce prouinciis decedant. Nam vt cum vetera tum recētia exempla satis doceant, non sunt illi tales, quorum promissis pactisue haberi fides possit: cum in modum Concilij Constantiensis, quod semper in ore habent, mille facile subterfugia inueniant: vt nulla pactorum firmitas, quandiu hīc essent, neque securitas esse posset. Committere nolui, quin ad Principem literas tuas mitterem, vt illi innotescat desyderium, quo te ad pacem publicam ferri scribis. Rogo autem te, vt in eo constans esse velis, precorque Deum, vt tibi vicissim det, vt pręsentem fortunam æquo animo feras, nosque omnes hisce calamitatibus liberet. Middelburgi, 17 Iunij, Anno 1574.

D E C L A R A T I O   O R D I N V M

Hollandiæ & Zelandiæ ad ea, quę ipsis de pace proposita erant.

C.

**A**D ea, quę de hoc bello certa firmaque pace conspiciendo, & tranquillitate bonoq; publico harum prouinciarum, Regiæque Maiestatis subditorum constituendo, in medium producta atque proposita sunt, declarant Hollandiæ Zelandiæque Ordines, se nunquā in animo fuisse, neque adhuc esse, vt arma sumerēt, hostilēue aliquid medita-



15

ditarentur contra Regiam Maiestatem, aut ipsius  
prouincias. Sed quod iurisiurandi officiique sui re-  
spectu ad conseruandam Regiæ Maiestatis existi-  
mationem, magnitudinē, atq; dominationē, vnā  
cū eiusdem prouinciarum atque subditorū pri-  
uilegiis, legibus, consuetudinibus, atque immuni-  
tatis iureiurando confirmatis, coacti sunt se ar-  
mata manu opponere iniquissimæ dominationi  
violentissimæque tyrannidi Ducis Albani, eiusq;  
sociorum: hominum in hisce regionibus prorsus  
peregrinorum, qui mandatis subditorum exactio-  
nibus atque concussionibus euertēre tranquillita-  
tem publicam: non aliò sanè contententes, quā  
vt Regiæ Maiestatis prouincias atque subditos suis  
subiicerent libidinibus, eosdemque in perpetuam  
coniicerent seruitutē: non sine irrecuperabili pro-  
fectō Regiæ Maiestatis eiusdemq; ditionum dam-  
no: quemadmodum iidem Ordines id antehac  
publicatis scriptis satis ostendēre, atque protestati  
sunt. Quamobrem non sit, quod in præsens cum  
Rege de pace agant: cū illum pro Domino ac  
Principe suo agnoscant, eidemque cum omni ob-  
seruantia hætenus seruiant. Atque ideo supplices  
illum orant, vt tanquam bonus pater benigno ob-  
tutu aspicere miseras & calamitates harum regio-  
num dignetur: quod ad tranquillitatem pristinum-  
que statum reducantur: quod simul ipsius dignita-  
tem & potentiam augeat, simul ad magnam eius  
utilitatē subditos ingētibus commodis beet. Ve-  
rū quoniam ad impossibile futurum est, quam-  
diu hic rerum potentur exteri, tyrannidemque  
exer-



exercebūt: vt quibus plus vtilitatis & lucri in turbulenta, quàm in tranquilla republica sitū fit: quique naturā rapinis inhient, itaq; hisce motibus & bello ansam præbuerint: vt Regia Maiestas curare velit, vt exteri discedant, ac deinde constituto libero concilio, de sententia omnium Ordinū harum prouinciarum in vnum legitimè conuocatorum, ita reipublicæ statum ordinet, vt subditi deinceps ab incommodis & pereundis viuere securi possint. Propterea verò etiam, quòd (vt liberè loqui liceat) ex productione diuturnitateque huius belli aliud nihil expectari possit, quàm deformissima vastitas, certusque interitus harum regionum: atque eò quidem magis, quòd incolæ indies magis magisque se armis dedant, valedicentes artium negotiationumque suarum exercitiis, vt ad licentiam militarem procliues sunt homines: ita vt valde metuendum sit, ne hac ratione artes, commercia, mercatura, atque nauigationes prorsus deperiant, quod sanè Regiæ Maiestati in irrecuperabile detrimentum cedat: supplices obtestantur iidem Ordines, vt hac re benignè expensā, ante omnia auctoritate Regiæ Maiestatis tam Hollandia & Zelandia, quàm reliquæ vicinæ prouinciæ, saltem externo milite exonerentur: ac deinde tanquam induciis factis, hinc inde à cunctis hostilibus supercedeatur: ita, vt indigenæ commercia securæ redintegrare, & inter se reconciliari possint. In quibus (vt iidem Ordines confidunt) Celsitudinem Gubernatoris omnesque fideles clientes ac ministros Regiæ Maiestatis conquieturos, eademque necess-

sariē



## EPIST. FRIDER. PERR. 17

sariò fieri debere Regi suggesturos ( quod vt facere velint , eosdem maiorem in modum etiam atque etiam supplices orant ) ita ipsi nihil eorum detrectabunt, quę deuotos fideles subditos facere æquum sit.

## EPISTOLA FRIDERICI

Peirenoti Scampangię Domini ad Philip-  
pum Marnicium Santaldegon-  
dæ Dominum.

D.

**D**OMINE Santaldegondi nō possumus satis mirari, nihil nos abs te intelligere de iis, quę nunc gerūtur, rebus. Hesternò die vesperi uenerunt huc Riuræ Dominus & Trelongius Ad-uocatus, qui tanquam rerum suarum causā Roto-rodamum profecti, postquam explorarunt, si quę rationes essent instituendę pacificationis ( quod quidem meo permissu fecerunt, cū etiam Riuri aduentus istinc haud ita pridem requisitus esset ) studio boni publici ( quantum intelligere possum ) impulsī, laborarunt in eo, atq; obtinuerūt, quantum potuerunt. Verū quod ad nos retulerunt, longē adhuc abest ab eo, quod fieri debeat, & hæc causā postulat. Quamobrem ne in eo constiteris, si quidem pacem cupis, ad quam te omnem tuam operā collaturum promissisti. Nam neque titulus, quem in scripto mihi tradito vsurpāt, illis qui dederunt, competit, neque, quę allegantur defectio- nis causę ad Regię Maiestatis existimationē per- tinent, quanquam illi eam se conseruare voluisse

B

asse-



18 EPIST. FRID. PERR.

asserant, quod sanè nullam rationem habet. Tum  
quæ illi in medium adferunt, quam sperabam,  
speciem non habent. Nam sustinere velle viden-  
tur, quæ à Regia Maiestate defecere ciuitates, eas  
ita se gerere, quemadmodum bonos subditos er-  
ga suum Principem decet. Quocirca necessum e-  
rit, vt tu nobis aliud apportes consonum sermo-  
nibus, quos ea de re inter nos aliquoties habui-  
mus: aut metuo alioqui, ne nihil agamus. Magnā  
equidem fiduciam habeo, te dexteritate tua effe-  
cturum, vt hoc negotium competenter, & vt  
par est, instituat: quod etiam facile tibi erit, qua  
istic apud omnes auctoritate polles: si modò huc  
neruos intendere voles, quemadmodum pollici-  
tus es, ergo quæ de te confido. Atque tu vicissim  
certò à me expertus, me nihil non facturum, quod  
quidem in me erit, vt hæc causa bonum opta-  
tumque finem sortiatur. Quod restat Domine  
Santaldegondi, Deum oro, vt tibi sanam, prospe-  
ram, diuturnamque vitam concedat. Monforti  
ii. Iunii, Anno 1574.

Dominus Carnessius, & Dominus Iunius rectè  
valent.

LI.



19

**LIBELLVS SVPPLEX OR-**  
**dinum Hollandiæ & Zelandiæ ad Re-**  
**giam Maiestatem.**

E.

**A**VRE I velleris Equites, Nobiles, & Hol-  
landiæ Zelandiæque ciuitates, supplices de-  
clarant, se perpetuò veluti bonos fidosque subdi-  
tos, in omnibus causis fuisse morigeros, ac hono-  
rem omnemq; ministerij operam exhibuisse Re-  
giæ tuæ Maiestati, eiusdemq; illustrissimis paren-  
tibus atque maioribus, quotiescunque ad susten-  
tandam tuæ Maiestatis auctoritatem, magnitudi-  
nē, atq; dominia, eorum obediētia, obsequiū, atq;  
opera requisita fuerunt. Adeò, vt dubitare ne-  
queant, quin anima tuæ Maiestatis inde magis sit  
laetitia, vt ipsis in summa reipublice trāquillitate,  
et sub recta iustitiæ administratione suas leges im-  
munitates atq; priuilegia conseruantes. Quam viā  
quāquam sequi debuisset Dux Albanus, tanquā  
Maiestatis tuæ nomine Gubernator: sub titulo ta-  
men officij sui tam iniquā & violentā in Maiesta-  
tis tuæ ditiones & subditos, spirituales & secula-  
res, nobiles & ignobiles administrationē instituit,  
et ipsi (supplices) conseruandorum suorum priuile-  
giorū, iuris, laudabiliū veterū consuetudinū,  
et immunitatum causa, non sine graui dolore co-  
acti sint etiam armata manu se opponere super-  
efferriq; dominationi eiusdem Albani, exter-  
eq; eidē adherentis nationis, perniciosis innoua-  
tionibus, mādatisq; exactionibus & concussioni-  
bus publicā tranquillitatē enertentis: neq; alio ten-

B a

dentis



dentis, quàm vt hasce Regiæ tuæ Maiestatis pro-  
 uincias earundemque incolas suis subliceret libidi-  
 nibus, & in extremâ paupertatem perpetuamque  
 seruitutem coniiceret: non sine irrecuperabili tuæ  
 Maiestatis dominiorumque detrimēto. Quod lanè  
 ipsi (supplices) antehac publicè satis ostendēre, de-  
 que eodem protestati sūnt: & de quo aliarū quoque  
 prouinciarum Ordines suas quique separatim fecē-  
 re declarationes. Verū cū nihilominus in de-  
 testabili suo instituto perseveraret Albanus, non  
 solum hæ tuæ Maiestatis prouinciæ earundemque  
 incolæ implicatæ sunt in getibus mutationibus, tu-  
 multibus, bellique calamitatibus: verumetiam re-  
 gna, nationesque vicinæ omnino alienatæ, graue o-  
 diū indignationemque concepēre contra tam ar-  
 rogantem factum hominum exterorum, quorum  
 hostilis animus in omnes hasce regiones tam ma-  
 nifestus esset: quam rem necessario infecuta est e-  
 uersio commerciorū, labefactatio artium mecha-  
 nicarum, negotiationum, ac totius denique prospe-  
 ri reipublicæ status. Cū verò ipsi (supplices) nihil  
 aliud vnquam studio habuerint, ac necdū habeāt,  
 quàm vt pro viribus ad vtilitatē magnificentiam-  
 que Regiæ tuæ Maiestatis, harum regionum bonū  
 publicum promouerent, ita vt bonos fidelesque  
 subditos decet: deuotissimis animis Regiam tuam  
 Maiestatem obtestantur, vt tanquam benignus  
 pater beneuolè ac clementer respicere dignetur  
 præsentem miserrimam calamitosissimamque ha-  
 rum suarum ditionum conditionem, quò eodem  
 ad concordiam reducantur, & instauratis com-  
 mercii



merciis in pristinum statū restituantur: qua profecto re & Regiæ tuæ Maiestatis magnitudo atq; dignitas supra modum augetur: & ad eiusdem tuæ Maiestatis permagnam vtilitatem incolarum commoda crescerent, ipsorumque vetus prosperitas quasi refloresceret. Quod quia nequaquam fieri poterit, quamdiu nationes exteræ in hisce regionibus cum imperio erunt, tyrannidemque exercent: cum meliore conditione sint republica turbulenta, plusquam lucri sentiant, quam tranquilla beneque constituta: cum item eedem, ut naturam suis commodis libidinibusque (quotidiana exempla docent) addictiores, quam harum regionū utpote ipsis peregrinarum bono publico, hisce motibus & bello ausam præbuerint: Ut igitur Regia tua Maiestas efficere dignetur, ut exteri extra hæc provincias prorsus discedant, eademque tua Maiestas constituto generali concilio omnium Ordinum harum provinciarum in vnum legitime conuocatorum, de sententia eorundem libera, cum reipublicæ statum constituat, in quo eadem provincia, tuæque Maiestatis subditi, in firma concordia securaque tranquillitate extra omnes tumultus & pericula conseruari possint. Quia insuper (ut liberè dicatur id quod res est) ex productione diuturnitateque huius belli haud temere aliud expectari potest, quam depopulatio, vastatio, consummataque ruina harum tuæ Maiestatis provinciarum: atque eò quidem magis, quod incolæ magis indies magisque sese armis dedere conspiciantur, exercitiis artium negotiationumque suarum

B 3

negle-



neglectis, vt ad militarem licentiam naturâ pro-  
 cliues sunt homines: ita vt si longo armorum vsu  
 exacerbationes, odiaq; subditorum tuę Maiesta-  
 tis inter ipsos crescere contingat, omnino metuē-  
 da sit pernicioſa diminutio atq; labefactatio com-  
 merciorum, omnium artium, mercatura, atque  
 nauigationis, quæ tuæ Maieſtati in irrecuperabi-  
 le damnum cedat. Iidem ſupplices orant, vt hac  
 re benignè clementerq; expenſa, Regia tua Maie-  
 ſtas, primum tam Hollandiam & Zelandiam, quæ  
 reliquas vicinas tuæ Maieſtatis ditiones ſaltem  
 externo milite exonerat: ac deinde tanquam fa-  
 ctis induciis, hinc idde à cunctis hoſtilibus ſuper-  
 ſedendum curet: ita, vt commercia ſecurè ac tutò  
 redintegrari, & incolis harum regionum inter ſe  
 reconciliatis, domum quiſque ſuam & ad reliqua  
 bona reuerti, ibidemq; ſine periculo conſidere  
 poſſit. In quibus proſectò ipſi (ſupplices) nullum  
 officium fidelium deuotorumq; Regiæ tuę Ma-  
 ieſtatis ſubditorum, detrectaturi ſunt. Atque hæc  
 quidem ſi Regia tua Maieſtas fecerit, &c.

## EPISTOLA FRIDERICI

Perrenoti Schampangix Domini, ad Io-

annem Iunium Gubernato-  
 rem Verenſem.

F.

**D**OMINE Iuni, Non ſum hallucinatus,  
 quando in diſceſſu, te Dominoq; Carnes-  
 ſio præſente, Santaldegonda Domino dixi, me  
 valde



EPIST. FRID. PER R. 19

valde vereri, ne nullum condimentum esset, quod scriptum, quod Roterodamo apportabat, in aula sapidum redderet. Cum nanque ex quo in campum appuli, ad hoc usque tempus diligenter, quomodo id caperetur, explorarim, omnium opiniones ab eo, quod à vestris partibus desiderabatur, tam remotas inueni, ut in eo nihil facere amplius ausus fuerim. Et quia mihi hoc consultissimum visum est, remitto tibi libellum supplicem hisce iunctum, eundem illum, quem ut iam dictum est, Santaldegondæ Dominus apportarat: ad quem illum remittere nolui, quod nulla scripta accipere, nisi prius perspecta, neque ad vos emitte- re, nisi eadem lege possit. Altera forma (ut satis ostendi) meo iudicio utrisque partibus convenientior fuisset. Tamen enim, quod Santaldegondius apportarat, in modum libelli supplicis scriptum erat (quo modo subditos cum Principibus suis agere æquum est) non tamen in eodem ab Hollandis & zelandis ita obseruatum est decorum, ut istiusmodi conditionis homines facere oportuerat. Cuiusmodi in primis est, quod postulant, ut Rex arma ponat: & ne aliorum ministerio utatur, quam quibus ipsis visum sit. In quo profectò non confiderant, in ipsius potestate esse, & capere & ponere arma, quandocunque expedire putarit. Ipse etiam cognitum habet, quid subditis, rebusque suis usus futurum sit, & cuiusmodi homines pro illorum commodis in ministeriū assumere debeat. E diuerso verò nulla ratione licitum est

B 4

subdi-



subditis arma sumere sine iussu Principis , neque  
 assumere exteros , quemadmodum Hollandi &  
 Zelandi fecerint. Atque eo quidem grauius atque  
 inexcusabilius illud peccatum est , quod id contra  
 suum Principem, siue eius ministros fecerūt: quod  
 perinde est, cū eos constituerit, vt se referrent,  
 suoque loco essent, cū ipse vbique esse non pos-  
 sit. Verū qui ita peccarint, fidere clementię Prin-  
 cipum æquum sit , simpliciterque eidem se sub-  
 mittere : cuius loco vestri illi à Rege postulant,  
 quod omni ratione atque iure ipsi facere debe-  
 rent : cū suo motu & auctoritate arma sumpse-  
 rint, Regisque ciuitates occuparint, de quo men-  
 tionem nullam faciunt, vt neque de illis restituen-  
 dis. Deinde & hoc ab omni decoro perquam alie-  
 num est , quod subditi volunt cogere Principem,  
 vt pro ipsorum arbitrio Ordines congreget, etiam  
 generales, idque ex ditionibus , quæ quantum ad  
 imperium, iurisdictionem, iusque municipale at-  
 tinet nihil inter se commune habent: sed tantum-  
 modo inuicem vicina , vnius eiusdemque Princi-  
 pis imperio reguntur . Qui quidem Ordines ali-  
 quando vniuersim coire permisit , cū ipsorum  
 commoda, suæque res ita poscere viderentur : sed  
 id ex mera benignitate , nequaquam verò quod  
 teneretur, fecit. Ita vt hic nihil aliud fiat, quàm vt  
 eius benignitas in ipsius præiudiciū vertatur: præ-  
 sertim verò , quod ex dicto libello supplice appa-  
 reat, comitia Ordinum eò postulari, vt ipsi lex po-  
 natur , ac tutelæ subiciatur . De reliquis silentio  
 præteritis , cū satis sæpe dixerim , mihi videri,  
 Regem,



Regem, quantum ad ea, me latum quidem culmū  
 debere cedere, hīc nihil dicam. Atque hāc quidem  
 satis apertē Santaldegondæ Domino explicui: ni-  
 hilominus tamen, quo desyderio rāpior, vt diuina  
 ope in pacandis hīsce prouinciis aliquid præstem:  
 & quid ille acriter instabat, vt in cœptis pergerem:  
 feci profectō quantum potui: quanquam prorsus  
 desperarem, me ea via quicquam effecturum esse.  
 Quod verò hāc non melius cesserint, ingenti sanē  
 dolore afficior, cū reipublicæ causā, tum etiam  
 eorum, quibus semper bene volui. Tum eius ami-  
 citiæ causā, quæ mihi cum domo Santaldegondæ  
 Domini est, magnopere vellem, vt amplius in  
 Comitibus Bossuuij negotio effectum esset. Quan-  
 doquidem vbi hīc retulissem responsum, quod  
 nomine Aurantiæ Principis Santaldegondæ Do-  
 minus mihi dederat: improbatum fuit, quod ad  
 meam intercessionem illi permissum esset, ea de  
 causā eo proficisci, postquam eo bono Bossu-  
 uio nihil melius futurum esset. Atque hāc quidē,  
 quæ mihi, postquam Montforto reuersus sum,  
 euenere, perscribere tibi volui, vt de volūtate mea  
 certus esse possis, si fortē efficere queas, vt istinc  
 alia proponantur ad finiendas hācce calamitates  
 magis conuenientia. Precor denique Domine Iu-  
 nij, tibi vt impertiatur Omnipotens, quod sit fu-  
 turum salutare. Antuerpię 13. August. Anno 1574.

B

EPI



## EPISTOLA IOANNIS IV.

nij Gubernatoris Verensis, ad Fridericum  
Perrenotum Scampangie Dominum.

G.

**M**I Domine, Haud ita nuper accepi literas  
tuas, tertio decimo Augusti scriptas, una cum  
libello supplice, quem Santaldegonda Dominus  
ab Hollandia & Flandiaq; Ordinibus ad te Mon-  
fortum attulerat, quibus etiam eundem mox re-  
stitui. Illi vero hac de re non satis morari potuerunt,  
maxime cum non intelligerent, rationes literarum  
tuarum eas esse, ob quas eum in modum libel-  
lus ille reijci ac remitti deberet, qui alioqui forte  
magni boni causam praeberet potuisset. Atque  
ideo cum ita secum agi viderent; certe non ut  
cum subditis clientibusque Regis (pro quibus  
tamen optima fide semper se gerere, quodcum-  
que Regiae Maiestatis ius, honor, aut dignitas in  
discrimen vocata fuit) sed potius ut cum profanis  
simis, qui terrarum usquam esse possunt, siue Tur-  
cis, siue Iudaeis: imò ut cum iuratis Regis Ma-  
iestatis hostibus: ideo (inquam) decrevere, nihil se  
amplius boni expectare debere ab iis, qui eo mo-  
do ad ipsorum ignominiam & perniciem, Regis  
abuterentur nomine. Quin & hoc pleno de-  
crevere concilio, quicquid reliquum fortunarum  
est, deinceps expendere velle, aliasque rationes in-  
quirere, quibus se in posterum muniant, tutosque red-  
dant, contra tam barbaram iniuriam atque tyran-  
nidem eorum, qui cupiditates suas pallio atq; no-  
mine Regiae Maiestatis tegunt. Attestantur etiam

Deum



Deum atque homines, postquam ad Regiæ Maie-  
 statis aures nullū aditum habeant, excludanturq;  
 ea via, quæ etiam proditoribus perduellibusque  
 quos sol conspexit, sceleratissimis, diuino huma-  
 noq; iure semper patuit, se tam effræni malitia ty-  
 rannideq; coactos, quasituros, arrepturosq; istius-  
 modi salutis condiciones, cuiusmodi Deo optimo  
 Maximo suppeditare videbitur. Rogant autē te,  
 ut apud quoscunq; testis esse velis, ipsos libellū il-  
 lum exhibuisse, itaq; officio suo fructos esse: & si-  
 mul ubicunq; opus erit, ipsos excusare, ea tenuisq;  
 causam eorū defendere. Et ut causas rationesque  
 querelæ ipsorum intelligas, & quamobrem remis-  
 sione libelli illius summa se iniuria affectos existi-  
 ment: visum est inde ab initio in modum cōmen-  
 tarii conscribere præcipua capita, ipsorum in tuas  
 illas literas querelæ: quæ ad te pridem misissem, ni-  
 si tabellarium tuum, qui responsum meum ad te  
 absportaturus erat, indies expectassem. Qui ubi  
 tandem venit, quin illa per illum acciperes, com-  
 mittere nolui. Peto autem abs te, ut eas rationes  
 contra tuas literas, quas vnā mitto, ab illis produ-  
 ctas, diligenter trutines & excutias: ut tamen hoc  
 scriptum boni publici studio, tuique amore priua-  
 tim à me editum, dictis Ordinibus ac ciuitatibus,  
 eorumque decreto non sit fraudi. De cætero me ad  
 commentarium meum refero, cuius tu prolixitatē  
 excusatam habebis, eandemq; aut mihi tanquam  
 parum idoneo, aut rerum, quæ mihi tractantur,  
 difficultati imputabis: ac me tuæ beneuolentiæ,  
 etiam atque etiam commendo.

C O M.



## COMMENTARIUS IOAN.

nis Iunij Gubernatoris Verensis, in epistolā

Friderici Perrenoti Scampangie Domi-

ni, sub signo F. supra positam.

H.

**M**I Domine, Primum illud, quod literæ tuæ habent, intellectu mirum videtur, *Omnium nempe illius aule opinionones tã remotas fuisse ab eo, quod nostri desyderabant, vt in instituto tuo non fueris progredi ausus.* Nam verisimile non sit, te (quem semper pro eo habui, atque etiamnum habeo, cui nihil æquò cordi sit, atque Regis prosperitas, rei que publicæ tranquillitas: quod quidem etiam istiusmodi viri, qualis tu es, & nobilis & Domini, præcipuum officium est) in tam præclaro instituto, in quo & Regis emolumentum, & tranquillitas salusque omnium harum regionum tantopere vertitur, cessim isse tergiuersatumque esse ob opinionones exiguæ in aula auctoritatis hominum: quod etiam si vel suspicarer, magno liberoque, quem in te animaduerti, animo, ac verò etiam quam Regi debes fidei, iniuriam facerem: sequitur, vt opinionones, quarum mentionem facis, processerint à supremi Consilij hominibus, atq; adeò ab iis, à quibus prorsus dependet Rex, quorumque humeris harum regionum gubernaculum imposuit. Qui quia iureiurando obstricti sunt, vt Regi reuelent, quicquid ipsius magnitudini, existimationi, emolumentisue aliquo modo fraudi esse possent intelligunt: in mentem nobis venit, persuasumque habemus, te nunquam cum illis de huiusmodi rebus commu-

commu-



communicasse, nisi prius plene intellexisses, postquam ex res ipsis innotuissent, porro easdem ad notitiam Regis, aut saltem eorum, qui in eo summam ab illo auctoritatem & potestatem haberet, necessario esse deventuras. Quo sane factum est, ut conicere nequaquam potuerimus, quid tibi cum metum iniecerit, ut libellum illum exhibere ausus non fueris, quem ad illorum notitiam peruenturum scires. Atq; eo quidem magis, quod ut plurimum istuc arguatur confœderatorum nobilium factum, qui anno supra millesimum quingentesimum sexagesimo sexto Ducissæ Parmenii similem libellum porrexerant, quod non potius consueto modo vli essent, eumque per Ordines, aut quempiam summæ in aula auctoritatis porrigendum curassent. Quos, aiunt, nec tanto numero, nec eo modo venire oportuisse. Quam tu culpam hoc tuo exemplo eluere videris, cum satis ostendas, haudquaquam consultum esse, ne summæ quidem auctoritatis homini (qualis utique tu es) exhibere in aula libellum supplicem, quem eius palatum non ferat: sed expedire potius remittere, quodcunque tandem periculum obuenturum sit, quod debitè suo tempore exhibitus non fuerit. Quod si fortè dicere voles, te eum cum nemine communicasse, sed solummodo eminus vadum tentasse, quomodoque acciperetur explorasse: id prospectò neutiquam convenire videbitur cum vehementi illo desiderio, quo te ad Regis magnificentiam harumq; regionum bonum ferri contestatus es. Et meo quidem tenui iudicio dubium esse non potest, si cum hoc modo



10 COMM. IOAN. IVNII.

modo tantum exhibere veritus fueris libellum, cuius tantopere & Regis & harum omnium regionum interest, in posterum harum rerum exitus frustrentur eorum expectationem & spem, quorum tu opiniones eminus explorasti: quin in omnem posteritatem magnum tibi vituperium & infamiam consciueris, qui citra aliam causam tanti momenti libellum reieceris, atque remiseris. Ad quem etiam quanquam fortasse nihil discernendum erat, potuisset id tamen palam aperte declarari, ut tu certe tuo motu & Regem & omnes hasce regiones priuare non debuens tanti ponderis occasione, & modo pro arbitrio deliberandi de rebus, pacem publicam spectantibus. E diuerso vero, si qui in aula summa in auctoritate sunt, ipsumque supremum Regis consilium, cum libellum illum vidissent, communicare eum cum Rege noluisse: minimum se communicare nolle, ei ascribere tenebantur, aut saltem melius suo uos consilio instruere. Ut autem eo modo suo motu, quod vnius Regiae Maiestatis erat, facerent, nequaquam ipsis conueniebat. Praesertim cum ipsius etiam Regis existimatio in eo non mediocriter laesa sit: utpote qui priusquam harum regionum Princeps aut Dominus pronuntiaretur, se nunquam libellos supplices precatoriasque denuntiationes, quales quales ille demum essent, subditorum clientiumque suorum, nedum ciuitatum integrarumque prouinciarum, renuturum reiecturumque esse solenni iureiurando promiserit. Cum item iuri gentium repugnet, si quis



## IN EPIST. FRID. PER. 31

siquis Rex, in quem populus omnem suam po-  
 testatem contulerit, ut ab eo secundum ius & æ-  
 quum regatur, suæque querelæ audiantur, eas  
 reiiciat, & ne audire quidem velle præ se fe-  
 rat. Quod sanè Imperator Hadrianus rectè  
 intellexit, quanquam paganus esset, nullam-  
 quæ veri Dei cognitionem haberet, qui in itine-  
 re à paupere muliercula rogatus, ut traditum à  
 se libellum supplicem legeret, cum ad id sibi o-  
 tium non esse respondisset, illa quæ si ad legen-  
 dos libellos supplices ipsi otium non esset, mul-  
 tò magis ad imperandum, ut quod siue eo non  
 subsisteret, ei otium non esse debere, contrà sub-  
 iecisset: se iure perstrictum sentiens, illico cul-  
 pam agnouit, & attentè libello lecto, prout ius  
 posceret, de causâ eius statuit. Vnde manife-  
 stum fit, eos qui impedire sustinent, quò mi-  
 nus Rex subditorum suorum, atque adeò inte-  
 grarum ciuitatum ac prouinciârum libellos sup-  
 plices percipiat aut intelligat, eum coram Deo  
 atque hominibus culpabilem reddere, tanquam  
 qui peccet non solum contra ius gentium, quo  
 omnes Principes subditis suis obstricti sunt: ve-  
 rum etiam contra officium Principis Christiani,  
 adeoque contrà iusiurandum suum: quibus no-  
 minibus ille amplius subditis deuinctus est, quàm  
 Hadrianus. Verùm quia tu causas prætendis,  
 ob quas hanc rem iudicio Regis non committi  
 debere videatur: queso te, quod illæ momentum  
 habeant, ut Hollandis & zelandisq; persuadeant, ipsos  
 intolerabili non affectos esse iniuria, & Maiestati  
 auctori.



auctoritatemque Regis Hispaniarum, sui Principis, quatenus Hollandiæ Zelandiæque Comes est, non modò non grauibz damnis inuolutam, sed extremo etiam contemptui non esse expositam. *Tu ais, illos velle, vt Rex se exarmet.* Certè si ita sese res haberet, dicere adhuc possent, se vt subditos cum fiducia Regi supplicare non posse, quamdiu ille arma manibus teneat, quibus illos dilaniandos conficiat, quamprimum coram illo se demiserint. Nam quæ insania sit, scientes prudentesque iugulos secandos præbere? Sed si contra ipsos armatus non est, nunquam vt se exarmet, desyderabunt: at si armis ipsos petat, iam non ipsorum Rex, id est pater & pastor, sed perniciosus hostis est. Verum enimuero Deus auertat, vt Hollandi Zelandiæque, cum Principi suo semper fidi fuerint, eundemque clementem semper erga se benignumque senserint, hanc suspicionem concipiant, in perniciem ipsorum armatum esse Regem, cum tamen nunquam aut audierit, aut intellexerit ipsorum querimonias. Quid ergo rei est? Conqueruntur illi grauius, externos quosdam, qui Regem, neque sanguine, neque affinitate contingunt, neque, quare hisce regionibus bene velint, vllam causam habent, in easdem tamen sub nomine Regis venisse armatos, inibi que exercere tyrannidem plusquam Barbaram Turcicamue: qui etiam suo motu contemptis mutuis sponsionibus solenni iureiurando à Rege confirmatis, contra omnem antiquam reipublice formam, legumque usum: contra ius municipale, ac priuilegia



legia: denique contra auctoritatem omnium magistratuum, ac publicorum Regiæ Maiestatis ministrorum, mare in rempublicam innexerint rerum nouarum. Ac supplices iidem Regem orant, vt sua auctoritate illos arma ponere atq; discedere cogat, simulq; faciat, vt eadem hîc reipublicæ administratio sit, quæ tempore maiorum eius fuit. In quo tantum abest, vt Regiæ Maiestatis auctoritatem minuant, vt eandem magis extollere non possint: cum eo pacto Regem solum pro Principe ac Domino suo agnoscant, qui ipse imperare absolute, subditosq; beneuolentia, benignitateque, tanquam noui cuiuspiâ solis radiis, reficere atq; exhilarare possit. Quæso autem te, quomodo stabilire velis, non dico modum aliquem pacis, sed vel speciem aliquam fictæ, dolisq; consutæ transactionis, nisi illi ante omnia arma deponant, extraq; hasce prouincias concedant? Nisi forte existimas, solam vnicamque hanc pacis rationem superesse, vt harum prouinciarum incolæ mittant exteros in plenam possessionem omnium rerum suarum, mobilium & immobiliû, vxorum & filiarum: & tanquam hoc satis non sit, simul eosdem rogent, vt omnium iugulos recidant, neque vnquam manum capido dimoueant, quandiu ex ipsis restabit vel vnus. *Sed dicis tu, postulare illos, vt Rex nullos alios in ministerium asciscat, quam quos ipsi velint.* Atqui nunquam constabit, eos tam dementes esse, vt vel cogitarint, Regi non conuenire contra quoscunq; hostes suos, cuiuscunq; modi sint, bellum gerere, eoq; qualicunque milite, quantoq; videbitur numero vti. Neq;

C

tam



tam imperiti rerum sunt, ut in istiusmodi negotiis quicquam præscribere Regi velint. Sed supplices orant, ne ciuitatibus ditionibusq; Regis, eiusque subditis bellum inferatur per externos odio, libidinibusq; suis intugatos: ne itè permittatur Hispanis, Italis, Heluetiis, nonnullisq; aliis exteris inter se prædæ instar dispertiri ditiones Regiæ Maiestatis hereditarias: ne deniq; ipsi, bona, vxores, & liberi in prædam dentur, hominibusq; barbaris in horribilem mancipientur seruitutem. Quod sanè nullo modo sonati, quasi velint, ut Rex se exarmet: qui etiam, si in hisce partibus bellum gerere velit, tantum militum ex indigenis cogere possit, ut neque equitem neque peditem, nihilq; neque terra neq; mari desideraturus sit, facileq; quibuscumque hostibus resistere, eosdemq; etiam domare valeat. Quod probari potest exemplo maiorū eius, Ducum Burgundiæ, harumq; regionū Dominorum, qui quanquam nullorū exterorū, siue Hispanorum siue Italicorum, opera vterentur, non propterea tamen inermes fuere. Sic & Carolus Audax quandiu subditis suis fidens, Burgundiones tantummodo, harumq; suarum ditionum incolas in militia sibi adhibuit, prosperè semper victoria potitus est, nomenq; suum vicinis omnibus reddidit formidabile. Qui idem contra, ubi plusculū fidere exteris cœpit, & Campobassum cum Italis, aliisque similibus sub militaria sua signa admisit: continuò Fortunæ rotam verti sensit: & siue prodicione Campobassi pecuniis fortè corrupti, siue quo alio id euēnit modo, duobus diuersis præliis

supe-



superatus, tandem in tertio ad Nanceium vitam amisit, & omnem quam subditi pararant ipsi gloriam. Ac verò si tam illicitum est orare Regem, ut in bellis, quæ in hisce partibus geret, eorum tantummodo ministerio utatur, qui harum regionum incolæ sunt: quamobrem idem reliqui harum regionum Ordines vniuersi, Bruxellæ Ludouicum Requesenum Regis Vicarium, rogarunt? aut qua ratione supplex eorum libellus receptus est, cum eandem iniquitatis, ac contra Regiam Maiestatem rebellionis continuerit causam? Nam quantum ad me attinet, quod dicis, *In vnius Regis potestate esse, ut aut capiat, aut ponat arma; quandoque expedire putauerit*: in eo sanè accusare videris maiores nostros, atque adeò Regiæ Maiestatis decessores, qui ab omni memoria solenni iureiurando harum regionum Ordinibus promissere, se sine eorum consensu nullum bellum inchoaturos, neque inchoatum finituros. Quæ profectò res, quandiu mundus constitit, ab omnibus Principibus, Regibus, atque Imperatoribus, qui quidem tyranni haberi noluerunt, arctè obseruata fuit. Postquam enim non modò belli sumptus, verumetiam omnia eius incommoda, damna, aliiq; casus ferè in populum cadunt: profectò ratio æquitasque naturalis postulant, ut eiusdem capita, qui alibi sunt Magistratus, alibi Ordines, alibi prouinciarum Consilia, adhibeantur in consiliū, cum bellum erat aut suscipiendum aut finiendum. Nisi siqui Principes imitari Xerxen velint, qui institutis comitiis Ordinū, Principum, ac Magistratuum Persidis ad deliberandum de bello, quod contra Græciā gerere constituerat, ante omnia



protestatus est, se ea comitia non habere, vt consultatio aliqua habeatur, sed vt quod ipse apud se iā decreuerat, & intelligatur & approbetur. Equo ille quidem non modò tyrannus habitus est, sed perpetuo etiam se opprobrio atq; infamia inuoluit, & tantum non omnia sua perdidit. Sed hinc non agitur, vt Regi praescribatur, quæ bella, quando, aut quomodo gerere debeat. Declaret saltem Rex, quando, & contra quos bellum gerere velit, & Hollandia Zelandiaque non modò illi non repugnabunt: verum etiam sanguine suo mediū fortunis opem illi ferent: quemadmodum & ipsi & maiores ipsorum semper cum ipsi Regi, tum etiam eius decessoribus fecere. Verum agitur hinc de bello ipsius Regis ditionibus inferendo: de vastandis dominiorum eius terris, & prouinciis: de expilandis, spoliandis, & ad internecionē perdendis clientibus eius, & subditis: breuiter, agitur hic de bello ipsi Regi inferendo: cum sine clientibus & subditis nemo Rex esse possit. Et scilicet tu vis tamen, ne Hollandi zelandiq; os aperiant, omniq; cum reuerentia Regi supplicent, vt hoc bellum tam & ipsis, & eius Maiestati exitiosum: tam coram Deo abominabile: tam deniq; omnibus bonis detestabile, sua tandem auctoritate & iussu finiat. *Dicis, Regem scire, quibus rebus subditis opus sit.* Quid igitur? Itā ne conuenire putas, vt Regis subditi ab exteris expilentur, spolientur, trucidentur, ipsorum agri vastentur, hereditates euertantur, vxores & filiae constuprentur, ac liberi in seruitutem abducantur? Id si æquū est, vt Regis subditis fiat, longē profec-



## IN EPIST. FRID. PER. 37

profectò meliore conditione sunt, qui tyranno parent, quo terrarum orbis deteriore non tulerit. Sin verò, ut profectò id nullo modo æquū est, necesse est, ut id Rex ita non iusserit, postquam quare illis opus sit, quidq; ipsis conveniat, tam bene intelligit. Quod idem necessariò sequitur, optimā illos rationem habere, quare Regi supplicent, ut exteris discedere iussis, tantis malis finē imponat. Quibus argumentis si tu fortè securū iniicere velis, ac dicas, cum contra suum Principem in armis illi sint, non haberi debere pro subditis (ut hæc res, ceu nimis longa & molesta, in disquisitionem non vocetur) paucis hoc tibi responderi poterit, cum illi per libellum suum supplicem se Regi submiserint, an rebelles sint, te eius iudicio relinquere debuisse: non verò libellum remittere, itaq; & Regi rectè iudicandi, & ipsis se purgandi omnem viam præcidere. Iam quantum ad axioma tuum attinet, videlicet: *non licere subditis, arma sumere sine iussu Principis*, Videtur id nostris hominibus, qui quidē alicuius iudicij sunt, istiusmodi esse, ut quia nimis generale est, subsistere nequeat. Nam si absente Principe subita hostiū irruptio fiat, non existimo, te tuo axioma tanquam lege differri velle, ut arma capiantur, donec omnia oppressa atque eversa sint. Cum si istud sustinere velis, Burgundiæ Ducibus Regiæ Maiestatis maioribus, periurij proditiōisque maculam inuras, quòd cum Regis Franciæ clientes essent, ipsumq; sanguine arcte continerent, quin & beneficio, quod Franciæ Regibus in solos fratres permissum est (appanage vocant

C ;                      affecti



affecti essent: non solum eius iniussu, verumetiam  
 contra ipsius personam & regnū arma usurparint.  
 Nemo certē mihi persuadeat, quin Philippus Bo-  
 nus officium fidelis clientis & subditi habuerit co-  
 gnitū, quando ulturus mortē patris sui Ducis Io-  
 hannis, qui antea Ducem Aurelianū fratrem Re-  
 gis Domini sui trucidandum curarat, pellexit in  
 Franciam Angliæ Regem, illumq; vrbis Parisiorū  
 bonēq; totius regni constituit Dominū. Qui pro-  
 festo nunquā obtinisset cognomē Bonus, mul-  
 toque minus in omne n posteritatem istiusmodi  
 reliquisset nominis sui gloriam, si quam fers legē,  
 tam latē patuisset, atque tu vis. Et filius eius Ca-  
 rolus Audax, quando in armis erat contra Ludo-  
 vicum Vndecimum, eumque ad Montherelij ar-  
 cem non mediocri clade affecit, num ignoravit,  
 clientibus arma sumere non licere citra auctorita-  
 tem iussūque Domini? Secundum tuam etiam  
 legem Rex noster iniuria possidet Burgundiæ Co-  
 mitatum, qui ab eodem Ludouico sub mortem  
 Caroli hoc nomine occupatus fuit, quod cliens  
 contra Dominum arma gesserat. Verum quoties  
 visum est, & tanquam rationi consentaneum ap-  
 probatū, cū clientes priuatim, & ciuitates pro-  
 uincięque vniuersū, non solum citra iussū Do-  
 mini, verumetiam contra illum ipsum arma sum-  
 pissent: neq; tamen tua lex, aut axioma aduersus  
 quas illi facti sui rationes defensionesque profere-  
 bāt, momentū aliquod habere potuerit? Vnde ne-  
 cessariō sequitur, illationē tuam vitiosam esse, cū  
 ex axioma illo afferis, *Hollandos & elandos facinus*  
 commi-



*commisisse inexcusabile, quod arma cōtra suū Principem  
sumpserint. Debuisses enim primū offendisse ratio-  
nes defensionis illora non subsistere, aut minimū  
ad tuendam eorum causam non sufficere: atq; tū  
demū illationi tuę meliorem colorē inducere po-  
tuisses. Sed videri potest, ne equitas causa ipsorū  
in lucē, aut ad Regis Maiestatis veniret notitiā, te  
suppressisse remissūq; bellum illorū supplicē, reie-  
cta in auslicos causa, vt quorum opiniones ab eo  
quod illi vellēt, inuenisses remotas. Verūm quaso-  
te, si illi dicant, se nō solummodo arma non sum-  
pisse contra Regem, sed etiam non citra eius au-  
thoritātē & consentum, videtur ne tibi illos purga-  
re posse iusiurandum ipsius Regis, & manifestū illud  
Inaugurationis caput, quo ipse disertē iubet, ne-  
qua sibi obedientia præstetur, priusquā restituerit,  
atq; emendarit, siquid aduersus Inaugurationē cō-  
misiū sit? Præsertim cū absente Rege exteri eius  
nomine non solum aliqua Inaugurationis capita  
euerterint, verumetiam eam totā pedibus concul-  
carint: quam tamen Rex Brabantie Ducatui, qui  
harum omnium provinciarū caput est, se exactis-  
simē obseruaturum, sanctē iureiurando præstito re-  
cepit. Quod autem ad id attinet, quod dicis, *contra  
ministros Regis, aut contra Regem ipsum arma usurpa-  
re, perinde esse*, non possum quibus id rationibus  
nitatur, ne somnariē quidem: cū Rex ipse  
quando inauguraretur, magis cum iureiuran-  
do promissis factis, disertissimis verbis pro-  
mutauit, Quicumque secus, ac ferret Inaugura-  
tionis commentarius, creatus aut magistratus aut*



minister publicus esset, aut deinceps crearetur, aut  
 secus etiam faceret: is re ipsa non talis, sed prorsus  
 priuatus esset, sine potestate & honore vlllo. Ita,  
 vt Rex ipse istiusmodi destituat, nobisque ad resi-  
 stendum illorum iniquitati & violentiæ, arma in  
 manus tradat. Quod si tu exceperis, id quidem a-  
 pud Brabantos locū habere, apud Hollandos ve-  
 rò & zelandos non item: certè necesse est excusa-  
 tos habeas Dominum meum Aurantiæ Principē,  
 omnesq; natione Brabantos, qui illi militant, eius-  
 uē partes sequuntur, quod pro Regis ministris, qui  
 iusiurandum & contractus eius violarunt, non  
 agnoscant. Et cū illi, illos agnoscere, nō tenerē-  
 tur, & contra eosdem ipsis arma sumere licitū es-  
 set: optimo iure occupare potuere & ciuitates &  
 prouincias, quæcunq; boni publici causā ad ipsos  
 inclinarent. Quantum igitur ad Hollandos & ze-  
 landos attinet, nullum illis hac in re peccatū aliud  
 ascribi potest, quā quod Brabanti non sunt.  
 Haud enim te vnquam inficias iturū credo, quin  
 Regis illi ministri, contra quos arma mota sunt,  
 omnia penē Inaugurationis capita partim viola-  
 rint, partim conculcarint pedibus. Et vt id ita se  
 nō habeat, quis tam obtusi visus est, vt Regem  
 hac in re ligatis esse manibus non videat? Quin  
 & ipse confiteberis, Regem in omnibus negotiis  
 Ecclesiasticis ac religionem attingentibus, Ponti-  
 ficis, Legatorum, ac Vicariorum eius obedire te-  
 neri iussionibus. An quisquam est, qui ignorat,  
 quæ mādāta nouis Episcopis data sunt ad extirpā-  
 dam hanc nostram religionem, quam vos pro no-  
 ua ha-



ua habetis, ea à Pio Quarto ad sollicitationē Son-  
nij esse fabricata? Eundemq; Sonnum in eum fi-  
nem tribus quatuorūe annis fuisse Romæ, indeq;  
huc traduxisse eorum motuum atque calamitatu,  
quas nunc experimur, seminarium? An notissimū  
non est, Pontificē imperasse Regi, ut in hisce pro-  
uinciis publicanda curaret decreta Concilij Tri-  
dentini, quibus se opposuerint Ordines vniuersi,  
tam Ecclesiastici, quàm Sæculares, ut quæ vim in-  
ferrent vetustis nostris legibus, consuetudinibus,  
ac priuilegiis à Rege iureiurando confirmatis? Bre-  
uiter, qui nobis hanc tam cruentam tragœdiam  
in theatrum produxere, sūntne creatura Pontifi-  
cis? Quis item ignorat, apertè in Decretis suis ia-  
ctare Pontificem, Reges Principesque omnes dia-  
demata sceptraque sua ipsi ferre accepta, & omni-  
no in omnibus obsequi iussis suis debere? Accepi-  
mūsne à maioribus nostris, quomodo Romani  
Pontifices, quicquid videretur, pro arbitrio impe-  
rarint potentissimis Imperatoribus ac Principibus  
orbis Christiani? quomodo eosdem diris denoue-  
rint, atq; anathemate ferierint, quandoque ob-  
temperare recusarent? Vnde originem traxerunt  
atrocia cruentaq; illa bella, quæ tres Henrici, duo  
Friderici, Philippus, multiq; alij Imperatores con-  
tra Pontifices Romanos gessere? nisi quòd boni il-  
li Principes ad primum Pontificum nutum parati  
non essent, siue expeditionem suscipere in Sarace-  
nos; siue renuntiare iuri clientelarum, quas à ma-  
ioribus suis Caroli Magni posteris iure haberent  
hæreditario: siue mittere Pontifices in possessionē

C s

ditio-



ditionum ciuitatūque quarumpiam, quas illi ex D. Petri patrimonio ad se esse deuolutas alierebāt: siue deniq; aliquid aliud facere, quodcunque illud deum esset: quarum rerū plenissima omnes illorum temporum sunt historiae. Quid causa fuit, quamobrem Alexander Pontifex Friderici Barbarossæ ceruici publice pedem impresserit, idq; cū elogio indignissimo ac longe teterrimo? Quorsum item hodieq; Pontifex pedes suos deosculandos obtrudit Regibus summisque Principibus, nisi ut obedientiam sibi ab illis deberi ostendit? In qua si illi cessauerint, mox in illos anathematis fulmina expedit, clientesq; ac subditos eorū, quō illis obstricti sunt, iurifurandi religione liberat. Posteaquam igitur Rex obnoxius est Pontifici, quē nos pro Principe nostro agnoscere nullo modo possumus, eiusq; fulmina & execrationes metuit: quomodo tu dicere aut credere potes, Regi merū liberumq; imperiū esse, ut quæ velit, & iubeat & faciat, idq; in causa, cuius cognitionē constitutionemq; sibi vni Pontifex vendicat? Quæso te, si à Rege exercitiū nostrę religionis petamus, isq; forte de eius veritate edoctus, id nobis concedendū putet, existimāsue id in eius potestate fore? Tu ipse mihi disertis verbis dixisti, si Rex tale aliquid permitteret, ipsum te contra illū arma sumpturū, conaturumq; pro viribus, ut & omnes hæ provincie contra illū arma sumerēt. Quod sanè quin dixeris, cū Monforti vnā essemus, inficias ire non poteris. Vbi est igitur voluntas & iussio libera Regis? vbi Maiestas eius? imò, vbi libertas eius? Vbi verò etiā heret



heret axioma tuū, quo nemini subdito iniussu Domini armari permittis? cū cliēs vnus omnes Ordines ad rebellionem pertrahere vult, si Princeps aliquid sēcus faciat, quā ipse velit? Verūm hoc vehēmenti tuo in religionē Romanā ardori condonabimus, modō nostrū in Euangelicā atq; Apostolicā religionē non minorē esse memineris: quāquā sortē hęc ingenio humano tam plausibilis nō sit, nec propugnatoribus equē utilis. Sed vt ad Pontificiā arrogantiam reuertamur, habemus & de Carolo Quinto nunquā satis laudato Principe, perillū exemplū, quomodo nempe parū abfuerit, quin a Paulo Tertio ecclesię cōsortio priuatus fuerit, quōd Germanis religionis formam, Pontificū Decretis propemodu per omnia consonā (cui Interim datū nomē est) suo motu & auctoritate cōcessisset. Et quāso te, qui tumultus fuerint, cū idē Carolus vellet, vt in Germania Conciliū vniuersale liberū haberetur, in quō Germani audirentur? Post remō, coēgitne eundē Carolum Pontifex, vt bellū Protestantibus faceret: & nī acceleraret, cōminatū sue ei sēpe sua fulmina esset: ita vt bellū illud rebellionis velō tegere necesse habuerit, quō Ducē Mauritiū nōnullosq; alios Principes, qui in Smalcaldico sedere erāt, in partes suas pertraheret? De Hispanicę Inquisitionis Magistris, Ecclesiasticisq; Regis Consiliariis, hīc nihil dicam, vt qui omnino Pontificis creature sint, eiūq; solemniter iusiurandū prestiterint, se nihil vnquā quod Sedi Rom. fraudi esse possit, promissuros esse, sed illi reuelaturos, atq; quoad eius poterūt, impedituros. Et cū illi Reg. ita possi-



## 44 COMM. IOAN. IVNII

possideant, vt nullo prorsus modo contra ipsorū voluntatem & opinionē hac de re decernere quicquam possit, nisi apud Pontificē perduellionis crimē incurrere velit: quam (quāso) rationem habet, quòd nos Regi bellū facere, dicis? Semel Pontificis Pontificiorumq; auctoritatem tollas, atq; huc rem deducas, vt Rex aut ipsis non subsit, aut saltē nos illorū legibus non parēre, a quo animo ferat: & mox videbis, quā alacribus, animis Regi, vt Principi nostro, & ad hoc, vt ius nobis administret, diuinitus vncto, omnē præstituri sumus obedientiā. Quod si tu rationi consentaneū esse non arbitraberis, volestq; Regem nostrum voluntati & arbitrio alterius subiicere: ne mireris, si cūm requiramus, vt nulla alterius lege admissa, ille nos sua auctoritate imperioq; libero gubernet, nos aduersus illum rebelles non esse, affirmemus.

Ad alterum epistolę tuę præcipuum caput nunc venio, in quo primò dicis, *Longè alienum à ratione esse, quòd cogere Principem subditi volunt, vt pro ipsorū arbitrio Ordines congreget*: de quo illi longè magis mirati sunt: vtpote quibus te latēre nō posse constet, Regem ipsum scientem prudentem se ad id obstrinxisse: quippe certam basim atq; sustentaculū Regalis suæ tum auctoritatis tum potētie. Postquam enim Ordines in republica bene constituta nihil sunt aliud, nisi capita & primores populi, quī corpus ipsum multitudinis repræsentāt: quid eque natura coniunctū cum bono Principe est, qui populi & pater & pastor esse cupit, atque Ordines? Quemadmodum enim cum capite corporis hu-

mani



mani nihil aequè conuenit, atque membra, quæ vitalia vocantur : idq; ideo, quòd præcipua instrumenta sint, quorum opera spiritus vitalis à cerebro procedens, per neruos & venas cum toto corpore vniuersim, & cum vnoquoq; membro particulatim sese communicat: quorum item opera vnumquodq; membrum naturalem suam coagmentationem cum corpore retinet : eundem ad modum bonus Princeps seu populi caput, Ordinum opera vniuerso reipublicæ corpori impertitur, non modò beneuolentiam, benignitatemq; suam & priuilegia, quibus illud in sua colligatione sustinet: sed suam etiam bonitatem, iustitiam, & prudentiam, vnde, tanquam ex viuo fonte, bonæ scaturiunt leges, quibus populus in bona disciplina & concordia, veluti in naturali sua subsistentia atque vita continetur. Qua de causâ maiores nostri, prudentes sanè homines, rerumq; politicarum bene docti, optima ratione constituere, vt ante omnia Princeps cum Ordinibus arctissimè coniunctus esset: neq; quicquam, quod alicuius momenti esset, nisi cum eorū consensu faceret : illiq; vicissim de omnibus rebus ad Principem, tanquam ad ipsorū diuinitus constitutum caput, referrent. Atque hinc quidem ingens ille amor, quo harum regionum Principes & populi se mutuò amplexi sunt, incredibilisq; illa fides, qua se inuicem fouerunt, originem traxerunt. Cuius amoris & fidei præclarum specimen in Duce Philippo Bono extitit, qui primus hæc Belgicæ prouincias ferè omnes quasi in vnū corpus cōiunxit, multaq; , quæ ad firmitatem perpe-



17 COMM. IOAN. IVNII.

perpetuitatemq; concordie quā inter Principē & subditos esse conuenit, facerent, constituit: amari paterq; patrie appellari cupiens potius, quā metui & formidari: ut qui amorem firmiter unum fundamentum fidelemq; custodem gubernationis potentiaq; esse, perspectum haberet. Unde sequitur, detestandos omnino esse, atq; pro pestibus publicis habendos, qui ut indignis seruilibusq; adulationibus se magis facerent, se auctoritate Principum tueri velle simulantes, postmodum ad aures eorum cecinere, atq; in consiliis hanc sententiam dixere, Quicumq; de vniuersali congregatione Ordinū loquatur, eum capiti Principis diadema auellere. Quandoquidem auctores omnis tyrannidis, oppressionis, atq; insolentiae sunt: perturbatores ite publicae pacis: ac deniq; Dei hominumq; iurati hostes: quantumlibet sibi prudentiam, rerumq; politicarum experientiam ascribant: neq; secus faciunt, quā si quis membra vitalia à capite auellere velit, eademq; naturalibus suis actionibus atq; efficacia priuare, caput tamen melius habiturum, praeferens. Videntur quidem illi ad tempus suffulcire potentiam Principis, dum formidabilem potius populo, quā amabilem illum faciunt: sed tandem pernicipi simul Principis, simul totius reipublicae causa existunt. Cuius rei luculentissimum exemplum Franciae Regnum nobis suggerit, cuius stupenda calamitas & interitus non aliunde abortus est, quā ex abrogatione & reiectione eius, quod ab vniuersis Ordinibus constitutum erat: & quod Rex instigaretur, ut nullo respectu populi, eorumque qui populum referrent, habito, pro arbitrio imperium



riū exerceret. Atque utinā misera nostra patria ex  
 tam vicino splendidoque speculo cautior facta, ne  
 in eadē incommoda incideret, euitasset. Sed pec-  
 cata nostra omnem iam modū exuperantia, nobis  
 perniciem accelerarunt, iis qui clauo assiderent ex-  
 cecatis, qui Principibus persuadebant, in eo inte-  
 ritū eorum consistere, si vniuersi Ordines cōuoca-  
 rentur, ut communi cōsilio de rebus publicā tran-  
 quillitatē spectantibus statuatur. Quod si ab initio,  
 antequā horum motuū faces accensę essent, prout  
 cōfœderati nobiles porrecto libello supplice a Re-  
 gia Maiestate requirebant, ad hoc remedium de-  
 cursum fuisset, adhuc vitari quæ insecuta incōmo-  
 da sunt, potuissent. Verū adhuc, quanquam pro-  
 pē serō sit, consideremus, quæ nos res impedian-  
 t, quò minùs ad remediū tam & præsens & salutare  
 decurramus, quod ab omni memoria tum Princi-  
 pibus tum populo, quandocūq; magnū aliquod  
 pullularet malum, unicū semper refugiū fuit. Di-  
 cis deinde, *Postquam hæ regiones ex diuersis dominiis  
 coniunctæ sunt, quæ quantum ad imperium, iurisdictio-  
 nem iusq; municipale attinet, nihil inter se commune ha-  
 bent: sed tantummodo inuicem vicina, vni Principi sub-  
 sunt: non esse æquū, cogere Regem velle, ut eas simul om-  
 nes congreget.* Quæso igitur te mi Domine, si à Rege  
 peteremus, ut Hollandiæ tantū Zelandiæq; Ordi-  
 nes congreget (quæ duę prouincię lōgissimo certē  
 tempore coniunctę fuerunt) ac de eorum consilio  
 præsentibus motibus atq; calamitatibus conueniē-  
 tia remedia adhibeat: quemadmodum maiores  
 eius Bauariæ Principes in omnibus grauioribus  
 rebus



tebus facere solent, harum priuinciarum Ordinibus Hannoniæ solùm & Ofternantie Ordines adiungentes: existimaré siue nos æquum petere? Certè quo hîc argumento interis, nullum haberet locum. Ac existimo sanè particularem hanc congregationem vniuersali, quam tu tantopere exhorrescis, Hollandis Zelandisq; longè fore utilior: qui tamen causse sue fiducia vniuersalem tam instanter petunt. Quod igitur Hollandorum zelandorumque peccatum est, quòd se in libello suo supplice Principis sui iudicio subiiciunt: ne minimam quidem, sè illi legem præscribere velle, significationem dantes: neque Ordinum vniuersalium iudicium detrectantes: cui etiam vltro se subicere, ne in sua ipsorum causa iudices esse velle viderentur? Quòd si ratio non patitur, vt ob vnius prouinciæ negotium, tot diuersarum prouinciarum Ordines in vniuersum omnes congregentur: quæ ediuersò ratione Ordinum Brabantia, Flandria, nonnullarumque aliarum prouinciarum proteltatio, qua se nullam aliam religionem, nisi Romanam, admittere velle declararunt, huc trahitur, & Hollandis & zelandis præscribat, siue præiudicium adferat? Quanquam si res bene expendatur, hic morbus ita vniuersalis, itaque per omnes prouincias sparsus sit, vt remedium cum fructu adhiberi, nisi in vniuersum, non possit. Nam quis nescit, hac in causa cum Hollandia & zelandia coniunctas esse totam ferè Gelriam, Frisiam, & Transisalaniam, ac insuper multas ciuitates ac loca Brabantia, Flandria, Hannonie,

& Ar-



& Artesiæ ? Et quando anno sexagesimosexto à Nobilibus libellus supplex exhibebatur, quis ignorat, ferè eos totidem ex vna prouincia fuisse, atque ex alia: quique ex iis Hannonienses, Artesienses, aut Namurcenses essent, longè Hollandos zelandosque numero superasse? Si igitur alij siue violentia minisue perculsi, siue Albanica tyrannide oppressi, siue quòd eiusmodi opportunitatem, qualem Hollandi Zelandique habent, non inueniant, quietos se tenent: an propterea excludendi sunt, vt in hoc incendio ruinaque communi patriæ opem non ferant? Maximè, cum extra controuersiam sit, huius belli calamitates & pericula tam reliquas prouincias, quàm Hollandiam & zelandiam attingere, atque aliquantò etiam propius. Si enim (quòd Deus auertat) Hollandos zelandosque aut perdi, aut à Regis obedientia alienari contingat: quomodo Brabantia, Flandria, reliquæque prouinciae aduersus hostiles incursiones defendi poterunt? quomodo item, postquam mare amiserunt, necessitate urgente, aut annona subleuari, aut ex Hispaniis auxiliis confirmari? Vnde facile est intelligere, hac in caussa vniuersalem Ordinum conuocationem impedire, nihil esse aliud, quàm Regem eiusque sobolem omnium harum regionum possessione exturbare velle. Sed dicti tui rationem audire libet. *Benignitatis, inquis, fuit, quòd maiores Regis nostri in grauioribus caussis omnium in vniuersum Ordinum conuocationem aliquando permiserunt. Quod vt ita sit, magnæ tamen inhumanitatis est,*  

D

facere



facere velle , vt erga hasce regiones minis benignus sit Rex , quàm eius maiores fuere . Estque hoc Regem in longè aliam , imò contrariam gubernandi viam inducere , atque illi sunt secuti . Vt inde etiam contrarius , atque illi perceperunt , fructus expectandus sit : veluti pro subditorum amore , odium : loco legitimæ administrationis , tyrannis : florentis prosperitatis vice , perniciēs , consummatusque interitus . Verumenimvero te tam aut ignarum historiæ , aut à rerum harum regionum cognitione alienum , arbitrari nequeo , quin vt rem notissimam teneas , hasce prouincias cum nonnullis aliis vicinis & finitimis , mox à Caroli Magni temporibus in vnum esse corpus coadunatas : idque sub Austrasiæ siue Lotharingiæ appellatione , à Lothario Caroli nepote , cui illæ in portionem hæreditariam cesserant , posteriore nomine orto . Et tametsi diuersis successione diuisæ deinceps fuerint , amicitiam tamen inter se coluisse , ac fœdera seruasse : donec Dux Philippus cognomento Bonus , quasi iure postlimini eas denuo in vnum corpus coagmentauit , ac præclaris constitutionibus , legibus , atque priuilegiis in vniuersum corpus effusis , colligauit : quoties opus esset , Ordines simul omnes congregans , atque in vniuersum omnibus patrem patriæ , atque pastorem populi se exhibens . Qui cum Imperator & Pontifex hasce prouincias in regnum erigere offerrent , permittere id noluit : tam quia omnis ambitionis hostis esset , quàm ne noua hac re prouinciarum , ciuitatumq; priuilegia immi-



IN EPIST. FRID. PER. 51

imminueret, neu quid fecus faceret, quàm per iurandum posset. Quod si tu excipias, Regi nostro nonnullas nunc prouincias parere, quæ cum hisce nihil tunc commune habuerint: respondendum venit, Philippum Bonum etiam nonnullas alias magni momenti prouincias tenuisse, quæ ademptæ postmodum & separatæ fuere. Atq; ad hunc modum coniunctas hasce prouincias, adiunctis Hollandia & zelandia, quarum possessionem sub finem vitæ nactus erat, Philippus Bonus unico suo filio & heredi Carolo Audaci reliquit. Qui ambitiosior hasce prouincias in regnum conflare velle, manifestè præ se tulit: sed impeditus est, partim à prouinciarum Ordinibus eius superbix sese opponentibus, partim inuidia Friderici Tertij tum Imperium obtinentis. Quod vtut sit, reliquit ille hasce prouincias arctissimis & indissolubilibus vinculis in vnum corpus colligatas, vnicæ suæ filię & heredi Marię. Quo in statu Maximilianus postmodum Imperator maritus eius, & Archidux Philippus filius eas accepit, qui easdem in eodẽ etiam statu Carolo Quinto nunquam satis laudato Imperatori Regis nostri patri reliquit. Qui Carolus hæc colligatione & coniunctione non contentus, cum fore prospiceret, vt concitata à malè feriatis nonnullis odio, & simulatibus illæ inter se committeretur, hoc nomine, quòd inter se nihil commune haberent: sublata abolitaq; iurisdictionum diuersitate (aliæ enim Franciæ, aliæ Imperialis, aliæ rursus alijs iurisdictionis erant) in comitijs imperialibus de consensu Electorum, Ordinumq;

D 2

Imperij



52 COMM. IOAN. IVNII

Imperij omnes hæcæ prouincias in vnum Imperij membrum ( creyts Germanicè vocant ) redegit: statuens , vt deinceps omnes coniunctim , eaquẽ lege , ne separari possint , ab Imperio , tanquam Domino , clientelari iure tenerentur , eaquẽ de causã in statutis Imperij contributionibus , quantum duo Electores , penderent . Quod ab eodem etiam , itemquẽ à Rege nostro inuiolabiliter obseruatum est ; cumquẽ in finem Rex Holsratatum Comitẽ in Germaniam legauit , qui eius nomine has prouincias ; vt Imperij membrum , clientelæ iure obtineret . Et cum illæ hætenus pro talibus semper habitæ sint , mirari satis nequeo , qua ratione affirmare tu sustineas , imperij , iurisdictionisque respectu eas prorsus esse diuersas ; extraquẽ vicinitatem nihil habere commune . Quare igitur cum indictionaria contributio petitur , omnes simul congregantur , eaquẽ consensu omnium constituta , quantum ab vnaquaque prouincia conferri debeat , pro cuiusque modo & facultatibus decernitur ? An tu vis , vt cum contribuendum est , hæ prouinciæ vnum corpus sint ? quando verò de remedio aduersus perniciem & interim omnium prouinciarum inueniendo ; consultari debeat : tum vt vnaquæquẽ seorsum remedium quærat , nec ipsæ inter se quicquam commune habeant ? Verum id meo iudicio non solum omnis rationis expers est , sed iniquitatem etiam redolet plusquam tyrannicam . Quid ? Quando Rex anno supra millesimũ quingentesimum quinquagesimo septimo Ordinibus pro-



IN EPIST. FRID. PER. 59

proponeret necessitates belli Francici, quomodo, illi id oneris in humeros suscepere, nisi simul atque coniunctim omnes? Atque illo quidem incredibili erga Regem fide, mirabilique inter ipsos concordia nouennali contributione nouem ita defuncti sunt annis, ut non parum honoris gloriaque Regiae inde accesserit Maiestati. An igitur, cum aduersus extraneum Principem belligerandum erit, hæc prouinciæ vnum corpus constituent, Ordinesque coniunctim in commune consultare poterunt? cum autem ab illis auertendus est vniuersalis interitus (quem profectò perniciosum hoc intestinum bellum iam ad fores adduxit) separatae atque ab inter se diuisæ esse indicabuntur: neque ut communi morbo generali remedio subueniatur, Ordines vniuersim omnes cõuocabuntur? Atqui quis ignorat, ob quas res vicinæ prouinciæ coniungi & conuenire possunt, in iis omnibus plus iuris hæc prouincias semper habuisse, & etiamnum habere, quam vllas alias? Nam quòd ciuitates integræque prouinciæ ad arcus exercitium, aliaque id genus à maioribus recepta certamina confluere solent, vnde, nisi ex hoc conueniendi iure, originem traxit? Quam obrem ciuitates integræque prouinciæ ad epulas ludosque publicos ab omni memoria publica auctoritate sæpe conuenere, nisi ut manifesta fieret harum regionum inter se coniunctio & concordia? Haud profectò, quàm Græcia ad ludos Olympiacos confluens, suam ostendebat coniunctionem & concordiam. Inferiorum Germanorum

D 3

norum



54 COMM. IOAN. IVNII  
norum nomen, aut quomodo nos nunc Hispani  
appellant, Flandrorum, estne omnium harum re-  
gionum incolis commune? Lingua etiam quan-  
quam duplex sit, ita tamen vtraque communis  
est, vt multis locis promiscuus vtriusque vsus sit.  
Nonne prouinciarum propè omnium supremæ  
curiæ Mechliniam prouocandi ius habent? Et Ec-  
clesiasticarum rerum curiæ, nonne vetusto iure,  
aut Colonia, aut Moguntia, supremum sortiun-  
tur iudicatum? Quid vis? An quid amplius dici  
potest, quam quod iam semel dictum est, omnes  
hasce prouincias vnâ esse Imperij prouinciâ,  
quam Germani Creyts vocant? Quomodo igitur  
tibi à ratione alienum esse videtur, si vna Imperij  
prouincia Ordines suos omnes in vnum conuo-  
cet? Cùm alioqui monstri instar futurum sit, si v-  
nius prouinciæ pars aliqua, sine aliis, conuenire ve-  
lit. Nisi fortè dicas, hoc bellum Prabantorum re-  
liquorumque respectu, neque ciuile, neque intesti-  
num esse: quod vtiq; tibi nemo sanæ mentis  
concedet. Et vt nihil sit aliud, quam quod Rex  
& Imperator Carolus sua de religione edicta in  
omnibus hisce prouinciis generatim locum habe-  
re voluerunt, præbet ne id satis argumenti ad con-  
futandum, quod illas nihil inter se commune ha-  
bere asseris? An non idem Hollandorum & elan-  
dorumq; libellum supplicem penitus purgat, cùm  
iuris regula dicet: Quod omnes attingit, ab om-  
nibus probari debet? Quandoquidem si eorundem  
edictorum rigor populum ad generalem indigna-  
tionem alienationemque concitauit, quam quæso  
causam



causam dicas, quamobrem harum regionum Ordines simul omnes conuenire non debeant; ut quæ omnes regiones occuparunt, malis conueniēs remediū adhibeant? Atq; hoc ipsum confirmatur duabus istis causis, ob quas olim Principes Ordines in vniuersum omnes congregare solere, dicis: *Ob bonum publicum (nempe) & res Principum priuatas.* Nunquam etenim illæ, atque in præsens, eque prægnantes fuere: quippe cum non de simplici aliquo bono, sed de omnium prouinciarum salute, deq; in-  
 stauranda Regiæ Maiestatis dignitate agatur. Quocirca si vnquam causa fuit, quare vniuersi Ordines conuocarentur, hoc certè tempore maxima est. Si tamen Rex eiusue consiliū à generali Ordinū coi-  
 tione nimis abhorreat, existimo (quod quidē publicarum deliberationū ignarus de me loquor) nostros contentos fore, si Rex legitimam Ordinum Hollandiæ & Zelandiæ congregationē permittat: & quid illie maturo consilio ad eius dignitatē bonumq; publicū facere, deprehensum fuerit, approbare, legisq; vice esse velit: cū (ut dixi) ad Regis auctoritatē potius, quam ad vllā aliam rem respexerint. Ceterum aliā quampiā causam, quæ tibi vniuersorū Ordinum conuentū suspectū faciat, subesse indicas, cum ais, *vniuersorū Ordinum comitia eò postulari videri, ut Regi lex ponatur, idēq; tutelæ subiiciatur.* Quod ego nō à tuo pectore, utpote melius instructo, sed potius ex peruersis opinionibus, finistrisq; suspicionibus eorū, quos in aula libellum nostrum supplicem adeò fastidire deprehendisti, proficisci arbitror. Persuadere enim mihi nequeo, te tam



alienum à ratione ostendere velle : cum prospere-  
 ctum satis habeas , veram legitimamque Regum  
 Monarcharum, Imperatorumque potentiam, at-  
 que vna populorū, prouinciarumque concordiam  
 ac fœlicitatem maximè ab Ordinum conuenti-  
 bus pendere : quemadmodum id satis in Germa-  
 nia, omnibusque bene constitutæ reipublicæ pro-  
 uinciis atque regnis apparet . Nihil enim aliud in  
 republica Ordinum comitia sunt, quam in Eccle-  
 sia Dei Concilia . Quæ vetusti ecclesiæ Patres at-  
 que Doctores olim tanti fecere , vt singulis qui-  
 busque semestribus , aut minimum singulis annis  
 ea, & quidem generalia, haberi debere statuerint:  
 & quando cunque aliqua necessitas vrgeret , sem-  
 per ad eadem , tanquam ad asylum confugerint:  
 donec tandem Pontifices nimia potentia elati ,  
 eadem suæ auctoritati atque arbitrio subiēcere.  
 Quæ sanè res aliàs quidem sepe, sed præcipue tem-  
 poribus aorum nostrorum in Concilio Basiliensi  
 grauissimè oppugnata fuit . Vbi etiam decretum  
 est , vt decimo quoque anno ex vniuerso Chri-  
 stiano orbe Concilium generale cogeretur , cui  
 ipse etiam Pontifex subellet. Quod ambitionem  
 posteriorum Pontificum ita pupugit , vt dein-  
 cept omnibus viribus Concilia semper impedi-  
 rint : adeò vt cum in summa illa totius Christiani  
 orbis necessitate , ad vrgentissimam sollicitatio-  
 nem Imperatoris Caroli , Concilium Tridenti-  
 num tandem aliquando cœptum esset , mille di-  
 lationibus atque subterfugiis illud in triginta am-  
 plius annos productum fuerit. Sed quod in Con-  
 cilio



cilio Constantienſi accidit, omittendum non eſt: in quo Iohannes Vigefimultertius, trium tum de-  
 poſitorum Pontificum vnus, accusatus de grauif-  
 ſimis criminibus pluſquam quinquaginta, ſuſpi-  
 rabundus ſemper reſpondit, ſe adhuc longè gra-  
 uius commiſiſſe, quòd Concilium liberum permi-  
 ſſet, ſeque eius decretis ſubiecillet: quamobrem  
 etiam ſumma cū ignominia depoſitus fuit. Quod  
 eò refero, vt oſtendam, à conuentibus generali-  
 bus abhorrere, tyrannorum eſſe: omnes autem  
 bonos Principes, Reges, Imperatores iſtiusmodi  
 comitia & conuentus ſemper & deſyderaffe &  
 procuraffe: quemadmodum boni ſanctique Præ-  
 ſules, quoad eius poſſent, in Eccleſia Dei Synodo-  
 rum, Conciliorumque coitionem ſemper procu-  
 rarunt. Vero enim verius eſt, quòd vbi plures con-  
 ueniunt, vt de negotiis ſiue reipublicæ ſiue eccleſiæ  
 conſultent, ibi plerumque Deus principem locum  
 occupet, ſuumque Spiritum effundat, plurium  
 oculis reſerans, quod vnius paucorumue videre  
 non potuerint. Vt proſectò Hollandi & elandi-  
 que in benignitate, iuſtitia, clementiaque Regis  
 magnam ſe collocatam fiduciam habere oſtende-  
 rint, cū illi pacandarum harum regionum ve-  
 rum vnicumque modum propoſuere. Nam cū  
 iuberentur de religione prorsus tacere: quid om-  
 nium potuiſſent conuenientiùs meliùſque facere,  
 quàm vt Regiæ Maiestatis, omniumque harum  
 regionum Ordinum iudicio ſe ſubiicerent? Quo  
 ſanè euidenter monſtrant, ſe neque totius terra-  
 rum orbis, neque Regis conſpectum reſugere,  
 D s quò



quò minùs iis criminibus, quibus summa cum iniuria falsò asperguntur, se vacuos esse ostendant. Et si religio illorum tam peruersa & impia est, atque Regi persuadetur, quid potuissent facere syncerius, quàm quòd petierunt, vt illa diiudicaretur ab illis ipsis, qui illam nullo modo recipere velle, tam solemniter protestati sunt? Quinimo quid potuissent illi facere, quod æquè conuenisset tum Regiæ Maiestatis, & dignitati, et honori, tum fideli ipsorum obedientiæ, quàm quòd eiusdem Maiestatis, Ordinumque eius iussu legitimè coactorum, iudicio sese subiicere? Ac verò vide, ne vos iudicium sententiamque Regis metuere, fugereque videamini: aut saltem pro infante illum, itaque iudicij experte habere, vt inter nigrum & album diiudicare nequeat, nisi quid facere debeat, præscribatis: præcipuè verò cum impeditis, ne libelli nostri supplices ad illius perueniant aures. Vide item, ne vosmet ipsi sitis, qui Regem tutelæ subiiciunt, illique in subditorum querimoniis liberum iudicium non permittunt. Cuiusmodi qui facit, Regi diadema adimit, ac semet Regem constituit: cum dignitas Maiestasque Regis non tam in opibus atque titulis, quàm in cognoscendis desiderijs populi, atque administranda iustitia, collocata sint. Tantum igitur abest, vt Hollandi zelandique Regem tutelæ subiicere conentur, vt contrà præsens hoc bellum non alium habeat scopum, quàm vt ille in negotijs desiderijsque populi legitimè, moreque maiorum diiudicandis, plenæ suæ integræque restituatur libertati: quam

vos



vos haftenus sceleratè illi eripuistis , Romanensi Pontifici atq; Inquisitionis Magistris illum subiectientes, ac cognoscendorum populi desideriorum iure atque potestate priuantes. Quid verò ad hunc epistolæ tuæ articulum attinet , vbi, *ne latum quidem culmum Regem vnquam cedere debere, videri tibi,* ais , eo tantum non consternatus sum : cum inde satis intellexerim , te aliter , quam tibi videatur, Regem iudicare nolle . Si tu cliens & subditus Regis es, an concedere, an nō debeat, ipsum dispicere sinas: neque priusquam intellectus libellis nostris supplicibus, eorumque rationibus, liberè iudicium suum interposuerit , vnā illi legem præscribas. Alioqui enim, non prorsus stupidis suspicandi occasionem suppeditabis, aut te Regem pro tam imperitò rerum habere , vt statuere de negotiis suis nequeat , aut opinionem vestram vel iudicio legem & tutelam debere esse, cui necessario Rex se subdat. Quòd si quam tibi hac in re impressisti opinionem , tanti ponderis esse putas, harum regionum Ordines, atque ciuitates omnes alterius esse opinionis , cogitandum tibi est ; & si fortè aliquando vniuersorum Ordinum sententia colliguntur , plures fore Hollandorum Zelandorumque opinioni, quam tuæ conformes. Si verò tu aliter iudicas , quam obrem tantopere examen detrectas , neque Regi, vt ipse libellum nostrum supplicem cognoscat atque diiudicet, liberum arbitrium & potestatem permittis ? nisi fortè nos tuam opinionem pro decreto Regis habere debere, sustinere velis: quod mihi de tua modestia  
magna-



magnaque prudentia persuadere nequeo. Rogo autem, ne te diutius cauillatoriis, nescio quibus, pretextibus occaecundum des; sed potius pro viribus in instaurandam harum regionum tranquillitatem incumbas: quæ profectò haud aliter recuperari poterit, quàm si Regi sua seruetur auctoritas integra, vt cognoscere ipse de desyderiis clientum subditorumque suorum, opem misericordiamque eius implorantium, aliisque eorundem negotiis possit: ac de consensu omnium harum regionum Ordinum, in hac quidem causâ, vtpote quæ in commune omnes attingat, conueniens remediũ adhibeat. Ne item nos hominum exterorum tyrannide oppressos velis: quibus nihil aliud studio est, quàm vt etiam cum sanguine nostro, cum harum regionum omnium pernicië consummatoque interitur, cum enormi denique Regiæ Maiestatis diminutione, inexplebilem suam exatient auaritiã, immoderatasque cupiditates: nihil prorsus pensi habentes, etiamsi omnia hic pereant, modò ipsi spoliis nostris onusti, domum quisque suam, redire aliquando possit. Confido autem Deum Optimum Maximum pro immensa sua benignitate nos aduersus tam nefarios eorum conatus, quemadmodum hætenus, esse propugnaturum.

F I N I S.



